



Broj: 01,02,03,03/11-05-1-2246/17
Sarajevo, 8. 11. 2017. године

KOLEGIJ PREDSTAVNIČKOG DOMA PSBiH,
KOLEGIJ DOMA NARODA PSBiH

PAKET UZ PISMENI
PRIMLJEN
DAN
MJESEC
GODINA
PRIMLJENO
Org. m. izvještaj
Jedinstvo
Mj. u kojem
dani
mjesec
godini
broj
pri.

24 -11- 2017

Predmet: Izvještaj s parlamentarnog seminara održanog u Parizu 27. oktobra

2017. u organizaciji Parlamentarne skupštine Vijeća Evrope

Predsjedavajući Zajedničke komisije za ljudska prava Parlamentarne skupštine BiH Borislav Bojić učestvovao je na parlamentarnom seminaru pod nazivom „Zapošljavanje, obuka i jednake mogućnosti: kako osigurati pravičan tretman i uključenost za sve”, koji je, u okviru sjednice Potkomiteta za Evropsku socijalnu povelju, održan 27. oktobra 2017. u Parizu.

Učesnici su u prisustvu Elijana Čemla, generalnog izvjestioca Komiteta za socijalna prava, i Marit B.Frigner, člana Komiteta, diskutirali o adaptaciji politika zapošljavanja na nacionalnom nivou i kroz zakonodatsvo i praksu, a u kontekstu razvoja tržišta rada. Moderator seminara bila je Sevinj Fatalijeva, predsjednica Potkomiteta za Evropsku socijalnu povelju.

U svjetlu Turin procesa Evropske socijalne povelje, kojim je 2011. godine obilježeno 50 godina od njenog donošenja, Evropski komitet za socijalna prava razmatrao je izvještaje koje su dostavile zemlje članice Vijeća Evrope u vezi s određenim članovima Evropske socijalne povelje. Na seminaru, na kojem su učestvovali predstavnici parlamentara iz 16 zemalja, razmatrani su zaključci iz 2016. godine Evropskog komiteta za socijalna prava iz parlamentarne perspektive, te ispitane situacije specifične za svaku zemlju, a koje zahtijevaju pažnju nacionalnih parlamentara. Elijan Čemla, generalni izvjestilac Komiteta, rekla je da Komitet svake godine određuje set pitanja za zemlje potpisnice, kako bi se napravila procjena provođenja Povelje u zemljama potpisnicama Povelje. Tokom referentnog perioda 2011.-2014. fokus je bio na članovima koji se odnose na zapošljavanje, obuku i jednake mogućnosti (članovi 1., 9., 10., 15., 18., 20., 24. i 25.), a posebno su razmatrani članovi 1. (pravo na rad), član 10. (pravo na profesionalnu obuku), član 15. (pravo osoba s invaliditetom na nezavisnost, društvene integracije i učešće u životu zajednice) i član 20. (pravo na jednake mogućnosti u pitanjima zapošljavanja).

U zemljama koje su obuhvaćene monitoringom u vezi s primjenom Evropske socijalne povelje zabilježena je neusklađenost državnog zakonodavstva i prakse s Poveljom. U zaključcima EKSP-a zabilježeno je da naša zemlja, koja je Evropsku socijalnu povelju

potpisala 2008.godine, još uvijek nije usvojila novu strategiju o zapošljavanju, kao i to da se u entitetima krši član 1.2. Povelje koji se odnosi na zabranu diskriminacije u zapošljavanju po osnovu starosti i invalidnosti, iako je BiH 2016. godine usvajanjem Zakona o zabrani diskriminacije obavezala entitete da svoje zakone usklade sa zakonom na državnom nivou. Gospodin Bojić je, odgovarajući na primjedbe izvjestioca Komiteta o provođenju Povelje, rekao da je BiH time učinila sve na što se obavezala potpisivanjem Povelje, te da će njenu potpunu primjenu omogućiti usklađivanje zakonodavstva na svim nivoima vlasti.

Na parlamentarnom seminaru u Parizu predloženo je da državni parlamenti budu direktno obavještavani o odlukama i zaključcima koji se odnose na provođenje Evropske socijalne povelje, kako bi sa svojim vladama donijeli odgovarajuće mјere koje bi otklonile nepravilnosti i neusklađenosti zakonodavstva s Poveljom. Također je naglašeno da se od parlamenata zemalja potpisnica Povelje očekuje aktivnije učešće, ne samo u donošenju zakonskih rješenja, nego i u potpunom provođenju Povelje. Članovi Komiteta izrazili su razumijevanje prema zemljama koje se susreću s problemima u provođenju Povelje, jer je to izazov za svaku zemlju, ali i obaveza koju su njenim potpisivanjem preuzele.

Seminar je bio podijeljen na dvije sesije na kojima se diskutiralo o usklađivanju socijalnih prava s potražnjom na tržištu rada, ulogom parlamenata i vlada, te sindikata i privatnog sektora u procesu usklađivanja. Razgovaralo se i o mogućnostima korištenja fondova Evropske razvojne banke koji bi bili usmjereni na projekte zapošljavanja osjetljivih grupa. Na seminaru je bilo riječi i o megatrendovima u svijetu rada i posljedicama njihovih politika po evropske države, o izazovima prihvatanja novih oblika zapošljavanja i poslovne pokretljivosti, te o važnosti ulaganja u profesionalne obuke mladih ljudi.

Izvještaj pripremila:

Nataša Čabak

Sektor za međunarodne odnose
i protokol

Izvještaj odobrio:

Borislav Bojić

Predsjedavajući Zajedničke Komisije
za ljudska prava PSBiH

Dostaviti:

- naslovu
- Komisiji za vanjske poslove PDPSBiH
- Zajedničkoj komisiji za ljudska prava
- a/a